

## **Eminentissimi Ac Reverendissimi Domini, D. Joannis Baptistæ, Cardinalis De Luca, Theatrum Veritatis Et Justitiae, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in  
quibus in Urbe Advocatus, pro una partium scripsit, vel Consultus  
respondit ; Cum Indicibus Argumentorum, Causarum ac Rerum  
luculentissimis. Opus Tam Judicibus, Quam Causarum Patronis, atque  
omnibus in utroque Foro ...

Tractatus Primi Pars I. de Usuris, & interesse, Pars II. de Cambiis, Pars III.  
de Censibus, Pars IV. de Societatibus Officiorum

**Luca, Giovanni Battista de  
Coloniae Agrippinae, 1691**

Disc. XIX. Romana continuationis cambii. An post restitutam sortem possit  
creditor continuare sub cambiis & recambiis fructus seu cambia quæ  
remanerent debenda.

---

[urn:nbn:de:hbz:466:1-74112](https://nbn-resolving.de/urn:nbn:de:hbz:466:1-74112)

reperi posset, sive prætendi imputatio in sortem, undè propterea quatenus resolutiones istis fundamentis essent innixa, semper remanerent improbabiles saltem respectu denegata executionis pro sorte principali.

Ponderabam ulterius auctoritates in ijsdem decisionibus deductas percutere regulam generalem de prohibita clericis negotiatione & mercatura, nullam verò adesse in terminis specialibus probantem contractum cambiij illicitam negotiacionem continere, cum re vera talis dici non possit, nam alias clericis habentibus pecuniam in uno loco interdictum esset illam pro altero loco cum mercatore, vel quocumque altero cum suo aggio seu valore unius monetæ cum altera cambiare, quod importaret commercij privationem, & cuius contrarium passim per quoscumque ecclesiasticos etiam Regulares & observantes, qui sint in communione capaces, observatur; Et licet ubi non agitur de cambio, quod consumatur pro prima vice, sed girare seu continuare debet in cambijs & recambijs usque ad pecunia mutata resolutionem, videatur actus mercatoribus potius congruus, undè propterea saltem de facto, atque in communione reputatur species mercatura clericis illicitæ, ob quam Camerale desuper manus apponunt tanquam ex illicita negotiatione, Nihilominus id potius sequi videtur, vel ex quadam vulgi opinione, vel ratione scandali, quo cessante non videretur subesse ratio prohibitiva, undè propterea *Scaccia de cambijs* §. Primo, quest. 7, par. 2, ampl. 11, num. 6. advertit prohibitum non esse clerico mediante aliquo laico, & sub istius simulato nomine suam pecuniam dare ad cambium, quia concurrentibus realitatibus requisitis juxta Bullam *Pij V.*, dicitur actus licitus & honestus; Et quemadmodum clericis & Ecclesiis prohibitum non est dare pecuniam ad censum, ita non videtur, cur dici debeat prohibitum dare ad cambium cum in censu, magis certa videatur accessio salva sorte, quam in cambio, in quo fors diminutionem pati potest; Licet enim in censu fors sit demorta & perpetuo irrepetibilis, in cambio verò elapsi statuto termino possit repeti, nihilominus istud creditoris & respectivè debitoris commodum vel incommodum compensatum remanet à dicta alia differentia securitatis sortis principalis & uniformis accessionis seu utilitatis in fructu quæ concurrunt in censu, & cessant in cambio, undè propterea alia urgere non videtur ratio prohibitionis, nisi illa scandali ac opinionis vulgi, quibus rationibus consulfum remanet, quando sub aliorum nomine isti contractus celebrantur; Et consequenter nulla videtur subesse congruaratio, cui assumptum innitatur.

## ROMANA CONTINUATIONIS CAMBII

PRO

THOMA CARENA.

*Discursus pro veritate.*

An post restitutam sortem possit creditor continuare sub cambijs & recambijs fructus seu **cambia** quæ remanerent debenda,

S U M M A R I U M.

- 1 *F*acti series.
- 2 *In censibus & societatibus officijs solutio in parte non facit cessare contractum in residuo non soluto.*
- 3 *Cambia non dicuntur fructus sed pars sortis.*
- 4 *De conclusione de quatuor 2.*
- 5 *Ponderantur conjecture ex quibus in proposito partium voluntas desumatur.*
- 6 *Cambia limitata quomodo fint intelligenda.*
- 7 *Observantia multum in proposito attendenda est.*

## D I S C U R S U S X I X.

THOMAS Carena hæres Christophori patris, ad effectum solvendi quoddam debitum hereditarium, accepit de anno 1635 scuta mille ad cambium, data creditori facultate cambiandi & recambiandi tam sortem quam cambia usque ad restitutionem; Cum autem Thomas partem cambiorum, ac etiam dictam sortem principalem solvisset; Creditor autem pro quodam residuo cambiorum prætenderet potuisse continuare eamdem facultatem cambiandi, desuper ex parte Thomæ pro veritate consultus; Respondi ut sequitur.

In terminis præcis *cambij* quæstio mihi non contigit in foro disputanda, neque adhuc memoria suggesta tractantes; Verum firmata per DD. & Rotam in terminis censu vel societatis officij, rectè his terminis congruere videretur, cum pars formiter agatur de materia pecuniaria, in qua tanquam in materia dividua, eadem est ratio totius quoad totum, ac parti quoad partem, tantamque affert utilitatem totum respectu totius, quam pars respectu parti, ideoque satisfactio in parte non tollit totum contractum, qui in parte remanente subsistere potest, ut quicquid aliqui dubitaverint, in terminis censu firmatur per *Cenc. de cens. quæst. 107. num. 4. & seq., & quæst. 110 num. 1. & seq.*, ac per tot. Rot. apud Merlin. decis. 822. & 841. Adden. ad decis. 454 par. 4. rec. tom. 2.; Et in terminis societatis officij d. decis. 454 repetita apud Merlin. decis. 69. Et his stantibus videtur pro creditore respondendum, ut scilicet mandatum datum ad cambiandum continuari potuerit pro res duali summa sibi debita ex causa cambiorum.

Contrarium tamen in proposita facti specie mihi verius videtur ex ejus particularibus circumstantijs; Omessa enim inspectione, an dictæ decisiones & auctoritates loquentes de restitutione partis sortis principalis, alia sortis parte in suo esse remanente, applicari possint nostris terminis, in quibus non agitur de parte sortis, sed de parte cambiorum, quæ fructuum loco haberi videntur, de quo tamen dubitari posset, quia data realitate, cambia & recambia verè non sunt fructus & accessiones, sed habentur loco sortis principalis, quæ in qualibet mundina una cum antiquo debito transmittitur, ex deductis per *Surd. conf. 540 n. 35. & seq. Turr. de Camb. disp. 3. q. 2. & pluribus seq.* & habetur pluries in alijs hoc eodem titulo, dum alias recambia passim admissa salvati non possent, quia esset dare fructus fructuum, & accessiones accessionum, quod ex veriori sententia est damnatum, salvantur tamen ex dicta ratione, quod illæ accessiones efficiuntur fors principalis tanquam premium monetæ cambiandæ, ut alibi supra & infra advertitur.

Omessa

# DISCURSUS XX.

47

¶ Omessa igitur dicta inspectione, moveor ad sentendum contra creditorem, quia in hoc punto, an scilicet per solutionem partis debiti cesseret in totum contractus, verius est spectandam esse verisimilem partium voluntatem, & an per solutionem, ejusque respectivae receptionem intellexerint à rotulo contractu recedere, remanente residuo in puris terminis debiti Cenc. d. quæst. 107. num. 2 & 4. Merlin. d. decif. 69. num. 29. & dec. 822. num. 5, & sequ. Adden. ad dictam dec. 454. par. 4. rec. tom. 2. n. 61. & seq.

In casu autem de quo agitur, plura concurrere videntur, ex quibus verisimilis partium intentio fuerit resolvendi totum contractum, & præsertim quia integra fors principalis scutorum mille prout accepta fuit, ita restituta, & de ea reportata quietantia, itaut nil penitus remaneret debendum de ea, quæ verè & originaliter est fors principalis, pro qua contractus initus fuit; Residuale vero debitum ex causa cambiorum, licet ex juris subtilitate & fictione loco sortis ad effectum recambiandi habeatur, de factotamen & omnium opinione habetur tanquam debitum fructuum, ac etiam Rota sepius tanquam fructum labere seu nuncupare solet, Unde non intrat illa ratio, quæ militat in casu dictarum decisionum, in quibus, vel major, vel satis notabilis pars sortis remanebat non restituta.

Clarissima quia ubi aliqua vera & originaria sortis portio debenda remanet, debitor est certus se esse illius debitorem, atque non solvendo dicitur in mora inexcusabili, ex qua æquum non est, ut comodum reportet in præjudicium creditoris necessitatis illam sortem tenere otiosam, ideoque non mirum si Rota ex æquitate hanc sententiam in dictis casibus sequuta est; Non sic in isto residuali debito cambiorum & recambiiorum, quod incertum remanet ac illiquid, ita ut debitor credere potuerit se non esse illorum debitorem, ideoque, vel non intrat mora, vel ab ea excusat, quia semper excusandus est debitor, qui autem non solvit quam sciret quantum deberet l. 3. ff. de usur. l. non potest de regul. iur. cum concord. per Leotard. de usur. qu. 84. num. 1. & seq., & est in jure vulgaris propositio.

Licet enim cambia fiat limitata ad rationem decem pro centenario, haec tamen limitatio facta est ad effectum, ut dictam summanum excedere non valeat, secus autem si sint minora, quia tunc in minori summa debentur, ut expresse convenit legitur in instrumento, & est de jure indubitatum, nam alias esset cambium siccum & usurarium, cum iste contractus eatus ab usura salvertur, quatenus sub se continet periculum, ut nulla accessio, quin imò sortis principalis diminutio & creditoris jactura adesse possit, ut habetur sepius hoc eodem titulo; Unde propterea dum debitor à creditore certificatus non fuit, quid & quantum in singulis nundinis cursus cambiorum importaverit justè credere potuit, se ad aliud non teneri nisi ad cambia soluta.

¶ Accedente præsertim contraria observantia deducta ex longævo creditoris silentio, per quod, per argumentum à contrario, rectè intrant ponderata apud Merlin. d. decif. 822 num. 7. & seq. & decif. 831. num. 5. & 6. Cenc. d. qu. 107. num. 7. & 8. Adden. add. decif. 450. num. 64. & seq. par. 4. rec. tom. 2. Atque iniquum esset ut debitor, qui ex longævo creditoris silentio putat totum soluisse, ac nihil debere, patiatur supplantationem cum longo cursu cambiorum & recambiiorum, quem

de facilis ab initio evitare potuisset solvendo residuum fructuum, dum totam veram sortem restituere curavit.

Considerandus quoque venit sensus mercatorum, quod in cambijs limitatis non datur recombiuum, ut alia occasione à pluribus mercatoribus peritis & fide dignis audiū; Sed super hoc nihil firmandum duco, cum puncti necessitas non posset.

## ROMANA

SEU

BONONIE N.

LITTERARUM CAMBII

P R O

FEDERICIS FLORENTIAE

C U M

MONTHIONE & ALIIS MERCATORIBUS  
URBIS.

*Discursus ad veritatem in Congregatione.*

Cuius periculo cedat decoctionio, An mandantis seu scribentis litteras cambii post illarum acceptationem, Vel mandatarii qui litteras acceptavit & adhuc non implevit, Vel eius in cuius gratiam scriptæ sunt.

## S U M M A R I U M.

- 1 *F* Aeti series.
- 2 *F* Quando decoctionio scribentis litteras cambii cedat damno mandatarij acceptantis, vel adjecti, distinguitur
- 3 *Q* uis in proprio dicatur mandans, & quis mandatarius, & de personarum diversitate in hac materia concurrente.
- 4 *C* onsideratur casus novus in questione de qua num. 2.

## DISCURSUS XX.

Catalanus Bononiæ mercator quasdam tractas fecit Federicis Florentiæ mercatoribus, de quibus jam ab eis impletis dedit manibus, ut se reintegre deberent suprà se à Monthiono Urbis mercatore ejus correspondali, cui iidem Federici duas tractas fecerunt de aequivalenti aliis eorum correspondilibus solvendas, per d. Monthionum per Catalanum certioratum acceptatas, unam scilicet sub die 3, & alteram sub die 10. Martij 1663. Cum autem hoc intermedio tempore inter dictas duas acceptationes, sub dies scilicet septima ejusdem mensis sequuta esset dicti Catalani mors, quæ ex improviso eius insperatam decoctionem, vel detexit vel accidentaliter causavit, Hinc Monthionus de his certioratus, prinsquam etiam primæ tracta usus maturaret, recusavit eas implere; cumque dictis Federicis principaliter eas impleri intenderet, dum alias ipsi reintegre tenerentur eos, quibus erant directæ, Idcirco in Advocatorum

cor-